



# INFO

Jul / Kolovoz / Септембар 2023. god.





## Čelnici Vlade Distrikta razgovarali s ministrom komunikacija i prometa BiH Edinom Fortom

U okviru konferencije o transportnoj infrastrukturi Brčko distrikta Bosne i Hercegovine gradonačelnik Brčko distrikta BiH prim. dr. Zijad Nišić zajedno sa zamjenikom dr. Antom Domićem i glavnim koordinatorom Vlade Željkom Antićem održao je sastanak s ministrom komunikacija i prometa BiH Edinom Fortom.

„Čast nam je što se konferencija održava u Brčkom i ovo je tema koja je daleko šira i značajnija jer je Brčko stavljen u fokus. Ona treba da tretira i da opservira saobraćaj i potencijale Distrikta, ne samo u BiH, nego i u regionu i da se nađe na mapi evropskih koridora. Brčko je prirodna tačka gdje treba da se formira jedan transportni čvor kao mjesto trimodalnog saobraćaja, mjesto gdje konvergiraju tri vrste transporta, drumski, riječni i željeznički saobraćaj. Bitno je kakvu komunikaciju imate i na koji način i kojom brzinom se mogu locirati i kapital i usluge. Ovo izaziva dvije vrste efekata, jedan je da se brže cirkulira kapital i da usluge budu dostupnije“, kazao je gradonačelnik.

On je podsjetio da Brčko okružuje šest zračnih luka što je, kako je naglasio, nešto što ovo mjesto može označiti kao mjesto čvorišta i mjesto gdje se može ostvariti širi regionalni interes u transportu.

„Mi očekujemo ovdje da se utvrde dinamički planovi rekonstrukcije mosta kao i izgradnje novog mosta, autocesta koje prolaze kroz Distrikt i da se uradi restauracija ili čišćenja korita rijeke Save kako bi naša Luka bila u funkciji međudržavnog evropskog transporta“, kazao je Nišić.

Ministar komunikacija i prometa BiH Edin Forto kazao je da se nije trebalo puno razmišljati o mjestu održavanja konferencije o razvoju određenih projekata infrastrukture u BiH.

„Brčko ne samo da je čvorište, nego je i u potrebi za ovim projektima. Nevjerovatno je da toliko godina nakon rata mi imamo obalu Save koja nije deminirana i da to koči projekat produbljenja korita i čišćenja korita kako bi povećali broj dana plovnosti rijeke i kako bi Luka oživjela. Također, postojeći željeznički kolosijek je isti onaj iz prošlih vremena. Kada su u pitanju autoceste tu sam dodatno optimističan jer BiH je napokon naučila da gradi autoceste i vidimo da postoji zamah u oba bosanskohercegovačka entiteta“, kazao je Forto.

On je naglasio da je potrebno da se Brčko uključi u ove projekte.

„Potrebno je da kroz Distrikt uradimo dva koridora, jedan koji će ići od Vukosavlja prema Bijeljini s ciljem spajanja s autocestom koja se gradi iz Srbije prema Bijeljini, i drugi kako bi otvorili Tuzlu prema Orašju kroz Brčko. Na taj način Tuzlu ćemo izvući iz transportne izolacije. Ovo treba da bude početak jednog zamaha i drugih projekata i zato je jako bitno što krećemo iz Brčkog“, kazao je Forto.

Ministar je istakao da je sve spremno za rekonstrukciju postojećeg mosta.

„Danas smo trebali potpisati i sporazum, ali zbog hitnih obaveza ministar Butković nije bio u prilici da prisustvuje. Sredstva su izdvojena za most postojeći most u Brčkom i očekujem da će se u sljedećoj godini uveliko most raditi a možda i završiti. Što se tiče novog mosta zadaća je vlasti Distrikta da usvoji prostorno-planske dokumentacije koja bi odredila tačku pristupa cesti i samog novog mosta“, kazao je Forto.

Nakon današnje konferencije koju je otvorio gradonačelnik Nišić, organizovan je i obilazak „Luke Brčko“ s učesnicima.

# Предузете све мјере за сузбијање афричке куге на подручју Дистрикта

Услед појаве афричке свињске грипе на подручју Брчко дистрикта Босне и Херцеговине, градоначелник Брчко дистрикта Зијад Нишић, шеф Одјељења за пољопривреду, шумарство и водопривреду Миленко Никовић и шеф Пододјељења за ветеринарство Стеван Радић на прес конференцији изнијели су информације о тренутном стању на терену.

Градоначелник Нишић казао је да су надлежно одјељење и пододјељење, по сазнању о појави ове куге у сусједним мјестима, предузели све мјере како би се спријечило њено ширење на територији Дистрикта, те да се успјешно држи под контролом.

„Одмах смо формирали кризни штаб и донијели рјешење у складу са државним прописима којима су наложене које мјере требају да се хитно предузму како бисмо сузбили ширење афричке куге на подручју Дистрикта. За сада нема разлога за панику, ситуација је под контролом“, изјавио је Нишић.

„Појачали смо мјере дезинфекције, посматрамо терене и прикупљамо

информације од грађана и сточара. До сада смо узорковали и извршили еутаназију на 19 имања, и то 17 на подручју насеља Вучиловац, једно на подручју Грбавице и једно на подручју Марковић Поља. За сада, немамо нових пријављених случајева, имамо два узорка из Вучиловца које смо послали на тестирање, а резултате очекујемо најкасније сутра. Уколико буду позитивни, одмах ћemo предузети потребне мјере и у најкраћем року елиминисати жаришта“, изјавио је шеф Пододјељења за ветеринарство Стеван Радић.

„Замолио бих грађане Дистрикта, односно пољопривредне производијаче на овим угроженим подручјима да не праве панику, јер заиста нема разлога за то. Ситуација се прати сваког часа и предузимамо све мјере које су у складу с законом. Куга се не преноси с животиња на људе, тако да становници немају разлога да буду забринути. Након завршетка ове ситуације, Одјељење ће Влади упутити приједлог за намиравање штете производијачима којима су животиње еутанизоване“, нагласио је шеф Одјељења Миленко Никовић.



# Usvojena Odluka o odobravanju programa utroška sredstava za dodjelu stipendija studentima

U nastavku 8. redovite sjednice Vlada Brčko distrikta Bosne i Hercegovine usvojila je, na prijedlog Odjela za obrazovanje, Odluku o odobravanju programa utroška sredstava za dodjelu stipendija redovitim studentima prvog i drugog ciklusa studija s područja Brčko distrikta Bosne i Hercegovine za 2023. godinu. Odlukom su odobrena sredstva u iznosu od 1.271.000,00 KM u cilju nastavka dobre prakse dodjele stipendija, odnosno stipendija redovitim studentima s područja Brčko distrikta Bosne i Hercegovine.

Također, Vlada je usvojila Prijedlog odluke o usvajanju konačne rang-liste za dodjelu stipendija. Za studente prvog i drugog ciklusa Vlada će dodijeliti ukupno 245 stipendija, od kojih su izdvojene stipendije za studente s posebnim potrebama kao i studentima pripadnicima nacionalnih manjina. Na prijedlog istog Odjela, Vlada je usvojila Prijedlog zaključka o davanju suglasnosti na sporazum između Vijeća ministara BiH i Vlade Narodne Republike Kine o uzajamnom priznavanju visokoškolskih kvalifikacija.

## Usvojena je Odluka o odobravanju tekuće donacije i usvajanju Programa utroška sredstava za finansiranje udruženja penzionera

U nastavku 9. redovne sjednice Vlade Brčko distrikta Bosne i Hercegovine, na prijedlog Odjeljenja za stručne i administrativne poslove, usvojena je Odluka o odobravanju tekuće donacije i usvajanju Programa utroška sredstava za finansiranje udruženja penzionera Brčko distrikta Bosne i Hercegovine od posebnog interesa za 2023. godinu u ukupnom iznosu od 110.000,00 KM. Dodijeljenim sredstvima će se olakšati rad udruženjima koja imaju za cilj poboljšanje

društveno-ekonomskog položaja penzionera, te tako stvoriti adekvatnije uslove za rad samog udruženja.

Također, Vlada Brčko distrikta Bosne i Hercegovine na prijedlog Policije Brčko distrikta Bosne i Hercegovine je odobrila Odluku o načinu upotrebe lakog ličnog električnog vozila na području Brčko distrikta BiH. Odlukom se uređuju obaveze vlasnika i korisnika ovog vozila, ali i izricanje novčanih kazni za činjenje prekršaja propisanih odlukom.

## Usvojena Odluka o odobravanju donacije i usvajanju Programa utroška sredstava za tekuće donacije mjesnim zajednicama

Vlada Brčko distrikta Bosne i Hercegovine na 11. redovnoj sjednici, na prijedlog Odjela za stručne i administrativne poslove usvojila je Odluku o odobravanju donacije i usvajanju Programa utroška sredstava za tekuće donacije mjesnim zajednicama na području Brčko distrikta Bosne i Hercegovine za 2023. godinu.

Ovom Odlukom olakšava se redoviti rad mjesnim zajednicama, a ukupan iznos sredstava za dodjelu iznosi 390.000,00 KM.

Na prijedlog istog Odjela, usvojena je i Strategija stručnog usavršavanja službenika, odnosno namještenika u tijelima javne uprave Brčko distrikta BiH za razdoblje 2023.-2025. godine.

## Preduzećima, preuzetnicima i nosiocima poljoprivrednih gazdinstava omogućen povoljniji pristup finansijskim sredstvima kroz subvenciju dijela kamata

Vlada Brčko distrikta Bosne i Hercegovine na 12.redovnoj sjednici, na prijedlog Odjeljenja za privredni razvoj, sport i kulturu, usvojila je Odluku o odobravanju tekućeg transfera i usvajanju Programa utroška sredstava u korist Razvojno-garantnog fonda Brčko distrikta BiH za Program subvencioniranja dijela kamata za kredite preduzećima, preuzetnicima i nosiocima poljoprivrednih domaćinstava na području Brčko distrikta BiH.

Ovom odlukom preduzećima, preuzetnicima i nosiocima poljoprivrednih gazdinstava na području Brčko distrikta BiH omogućava se povoljniji pristup finansijskim sredstvima kroz subvenciju dijela kamata, a ukupan iznos sredstava iznosi 1.200.000,00 KM.

U okviru 12. redovne sjednice usvojena je Odluka o odobravanju Programa dodjele sredstava za finansiranje ili sufinansiranje programa, odnosno

projekata od javnog interesa Odjeljenja za prostorno planiranje i imovinskopravne poslove za 2023. godinu. Svrha programa je razvijanje oblasti zaštite životne sredine, a visina sredstava za ovu namjenu iznosi 100.000,00 KM.

Na prijedlog Ureda za upravljanje javnom imovinom data je saglasnost za pristup i potpisivanje amandmana broj 2 na Sporazum o finansiranju između Razvojnog programa Ujedinjenih naroda i Brčko distrikta BiH u okviru projekta „Zeleni ekonomski razvoj III“ u BiH, za aktivnosti u vezi s projektima energetske efikasnosti javnih objekata u Brčko distriktu BiH.

Također, k znanju je primljena Informacija o inspekcijskoj kontroli po Odluci o ograničavanju marže za pojedine životne namirnice i druge proizvode i Odluci o ograničavanju marže za naftne derivate.

## Realizacija Programa samozapošljavanja na području Distrikta

Vlada Brčko distrikta Bosne i Hercegovine na 13. redovitoj sjednici, na prijedlog Odjela za gospodarski razvitak, šport i kulturu usvojila je Odluku o odobravanju tekućeg transfera i Program utroška sredstava u korist Zavoda za zapošljavanje Brčko distrikta Bosne i Hercegovine za realizaciju Programa samozapošljavanja na području Distrikta za 2023. Godinu.

Sredstva su namijenjena nezaposlenim osobama koja pokreću djelatnost iz područja proizvodnje, zanatstva i usluga (osim trgovine i ugostiteljstva), a ukupan iznos sredstava za realizaciju programa iznosi 500.000,00 KM.


Na prijedlog Odjela za obrazovanje Vlada Distrikta odobrila je i Program utroška sredstava za stipendiranje učenika deficitarnih zanimanja. Odobreno je stipendiranje do 145 učenika prvog razreda srednjih škola i stipendiranje do 87 učenika drugog razreda srednjih škola koji upišu redovito školovanje u jednom od deficitarnih zanimanja, a koja su proglašena deficitarnim za 2023. / 2024. godinu.

Vlada Distrikta je na prijedlog Odjela za zdravstvo i ostale usluge usvojila i Akcijski plan Brčko distrikta BiH za provođenje Strategije BiH za prevenciju i borbu protiv terorizma 2021. - 2026.





# Upriličen prijem za učenike generacije srednjih škola



Gradonačelnik Brčko distrikta Bosne i Hercegovine prim. dr. Zijad Nišić, zamjenik gradonačelnika dr. Anto Domić i šef Odjeljenja za obrazovanje Zoran Bulatović upriličili su prijem za učenike generacije srednjih škola Brčko distrikta Bosne i Hercegovine u školskoj 2022/2023. Godini.

Za učenike generacije proglašeni su Amar Ribić (JU Gimnazija „Vaso Pelagić“ Brčko), Ružica Gavrić (JU Poljoprivredna i medicinska škola Brčko), Mihaela Zekonja (JU Ekonomска škole Brčko) i Antonio Mendeš (JU Tehnička škola Brčko).

Gradonačelnik Brčko distrikta Bosne i Hercegovine prim. dr. Zijad Nišić izrazio je zadovoljstvo i čast poručivši da je znanje najjače oružje da se mijenja svijet.

„Da bi postigli dobre rezultate, učenici su uložili veliko znanje, trud i disciplinu. U uspjehu učestvuju dvije vrste motivacija, unutrašnja motivacija koja podrazumijeva njihovu ambicioznost, rad i trud, kao i vanjska motivacija koja podrazumijeva potporu porodice i nastavnika koji su oblikovali njihova znanja i vještine. Mi se nadamo da je ovo početak uspješnih karijera i da će oni svoje znanje i vještine ugraditi u našu državu Bosnu i Hercegovinu i Brčko distrikt BiH, odnosno da će svoje karijere nastaviti u našoj sredini. Želim im mnogo sreće u nastavku školovanja kao i njihovim roditeljima te izražavam zahvalnost i njihovim nastavnicima“, istakao je gradonačelnik Nišić.

Šef Odjeljenja za obrazovanje Zoran Bulatović kazao je da su među učenicima srednjih škola i dvoje učenika koji su bili učenici generacije osnovnih škola, što je izuzetno poхvalno jer u kontinuitetu pokazuju visoke rezultate u učenju.

„Želim im sreću u nastavku školovanja i da nam se kao veliki stručnjaci vrate ovdje i pomognu Brčko distriktu i Bosni i Hercegovini, da svoju budućnost traže na našim prostorima te da svoje znanje primjene ovdje. Izabrali su različite smjerove što je veoma dobro za nas, ali i smjerove koji su interesantni za razvoj svih društava. Želim im u mnogo uspjeha i sreće u nastavku školovanja“, poručio je šef Odjeljenja Zoran Bulatović.

Učenica generacije JU Ekonomске škole Brčko Mihaela Zekonja kazala je da svoju budućnost vidi u Distriktu.

„Svoje školovanje nastavljam na Ekonomskom fakultetu Brčko. Želim da iskoristim priliku da svoje školovanje nastavim baš ovdje, da doprinesem Brčko distriktu BiH kao i Bosni i Hercegovini. Svoju budućnost vidim ovdje jer mislim da mlade nade trebaju ostati i uložiti svoje znanje u svom rodnom mjestu“, istakla je Mihaela Zekonja.

Učenik generacije JU Gimnazija „Vaso Pelagić“ Brčko Amar Ribić kazao je da svoje školovanje planira nastaviti u Njemačkoj nakon čega bi se vratio u Brčko distrikt BiH.

„Velika mi je čast da danas budemo primljeni kod gradonačelnika Zijada Nišića te da budemo počašćeni nagradama. Svoje školovanje planiram nastaviti u Njemačkoj jer se tamo nalaze jedni od najboljih univerziteta u Evropi, ali i u svijetu. Na taj način mogao bih steći najbolje znanje u struci u kojoj se planiram baviti, a to su informacijske tehnologije. Nakon toga planiram da se vratim u Brčko distrikt BiH i da implementiram stečeno znanje“, kazao je Amar Ribić.

# Na području Distrikta proglašeno stanje prirodne nesreće zbog Afričke svinjske kuge i olujnog nevremena

Gradonačelnik Brčko distrikta Bosne i Hercegovine Zijad Nišić, nakon održane 8. vanredne sjednice Vlade Brčko distrikta Bosne i Hercegovine, donio je Odluku o proglašenju stanja prirodne nesreće zbog Afričke svinjske kuge na području Brčko distrikta BiH.

Zadužuju se subjekti zaštite i spašavanja u Brčko distriktu BiH da postupaju po odredbama člana 37. stav (2) Zakona o zaštiti i spašavanju ljudi i materijalnih dobara od prirodnih i drugih nesreća u Distriktu.

Gradonačelnik je donio Odluku i o proglašenju stanja prirodne nesreće zbog olujnog nevremena koje je

zahvatilo teritoriju Distrikta 19. 7. 2023. godine.

Iz Odjeljenja za javnu sigurnost navode da su sva odjeljenja Vlade Distrikta angažovana u punom kapacitetu na saniranju i otklanjanju šteta.

U toku je formiranje komisije za utvrđivanje štete s rokom prijave do 28. 7. 2023. godine.

„Apelujemo na stanovništvo da izvrše sve neophodne preventivne radnje i postupke s ciljem zaštite života i materijalnih dobara“ navedeno je iz Odjeljenja za javnu sigurnost.





## Одржан регионални састанак на тему афричке свињске куге

С обзиром на тренутну епидемиолошку ситуацију по питању афричке свињске куге у Републици Србији, Републици Хрватској и Босни и Херцеговини, градоначелник Брчко дистрикта Босне и Херцеговине Зијад Нишић, шеф Одјељења за пољопривреду, шумарство и водопривреду Миленко Нинковић и шеф Одјељења за европске интеграције и међународну сарадњу Мирослав Гељић одржали су састанак са представницима управа за ветеринарство из Републике Хрватске, Републике Србије и Босне и Херцеговине.

Састанку су присуствовали директор Канцеларије за ветеринарство БиХ Саша Бошковић, директор Управе за ветеринарство при Влади Србије Милош Петровић, директор Управе за ветеринарство и безбједност хране при Влади Хрватске Татјана Карадић, помоћник федералног министра пољопривреде, водопривреде и шумарства Кенан Муратовић те помоћник министра пољопривреде, шумарства и водопривреде Републике Српске Драгана Окљеша.

Шеф Одјељења за пољопривреду, шумарство и водопривреду Миленко Нинковић изразио је задовољство што је управо Брчко дистрикт БиХ домаћин регионалне конференције те још једном поручио да су предузете све мјере за сужбијање афричке свињске куге.

Директор Канцеларије за ветеринарство БиХ Саша Бошковић који је уједно и организатор самог састанка казао је да ветеринарска служба покушава ставити болест под контролу.

„Ми нисмо случајно одабрали Брчко дистрикт БиХ. Примјетили смо да је болест

концентрисана у сливу ријеке Саве. Потребно нам је заједничко дјеловање јер болест не препознаје границе. Република Хрватска, Република Србија и Босна и Херцеговина ће бити много јаче ако поруке са данашњих састанака буду упутиле на праве адресе, а то су и Европска комисија и Свјетска организација за заштиту здравља животиња, као и доносиоцима одлука. Без подршке влада двије земље и ентитетских влада нема побједе над овом болешћу. Тражићемо помоћ из буџета Европске комисије. Од колега из Хрватске смо добили информације да ми као земље кандидати за ЕУ можда имамо могућност да ова помоћ буде већа него што је то у Хрватској“, истакао је Бошковић.

Директорица Управе за ветеринарство и безбједност хране при Влади Републике Хрватске Татјана Карадић казала је да је састанак био изнимно важан те да је кључно да три државе и надлежна тијела за ветеринарство буду у континуираној комуникацији, са отвореном размјеном информација и искустава.

„Закључци иду у смјеру даље сарадње, јер сматрамо да само регионалним приступом можемо учинковитије дјеловати. Епидемиолошка истраживања показала су да се ради о идентичном вирусу који циркулише овим подручјем“, истакла је Карадић.

Директор Управе за ветеринарство при Влади Републике Србије Милош Петровић казао је да се нада да ће данашњи састанак допринијети бољој синхронизацији и сличним корацима који ће се предузимати за борбу против ове болести.

# Gradonačelnik i potpredsjednik Skupštine otvorili Gradsku regatu

Gradonačelnik Brčko distrikta Bosne i Hercegovine prim. dr. Zijad Nišić, zajedno s dopredsjednikom Skupštine Brčko distrikta BiH, Ivom Filipovićem, otvorio je manifestaciju Gradska regata Karneval na vodi Brčko 2023.“.

Gradonačelnik Nišić svim nazočnim poželio je dobrodošlicu kazavši kako ova manifestacija predstavlja regionalni događaj koji je epicentar ovakvih zbivanja u regiji.

"Nadam se da će ovo biti dugogodišnja tradicija. Mi ćemo učiniti sve da uskladimo ljepotu rijeke Save i njene obale i da dolazak u naš grad ne bude samo zbog obveze, već zbog emocije i potrebe da uživate u bogatim turističkim sadržajima, istaknuo je gradonačelnik", Nišić.

Dopredsjednik Skupštine Brčko distrikta BiH Ivo Filipović podsjetio je da današnja manifestacija govori koliko je važan Brčko distrikt BiH, rijeka Sava i Ficibajer.

"Mislim da politici ovo treba biti putokaz na koji način da razvija turizam u Brčko distriktu BiH", kazao je Filipović.

Gradsku regatu pod pokroviteljstvom Vlade i Skupštine Brčko distrikta BiH, a u suradnji sa gradskim službama i nevladinim organizacijama organizira *Nautički klub Brčko*. Predstavnici *Nautičkog kluba* kazali su da su zadovoljni odazivom plovila i sudionika te su pozvali i na glazbeni program koji se održava u 19:00 sati.





# Nišić, Domić, Milić, Filipović: Distrikt funkcioniše na dobrobit svih građana

Svjedoci smo danas, više nego ikad, u kojoj mjeri je Brčko distrikt Bosne i Hercegovine dio ukupnog društvenog, političkog, ekonomskog i svakog drugog konteksta u Bosni i Hercegovini. Ovi konteksti uslovljeni su često regionalnim i globalnim kretanjima u različitim sferama ljudskog života i utiču na funkcionisanje svih zajednica, pa tako i Brčko distrikta Bosne i Hercegovine.

Svjedoci smo također da temeljne vrijednosti Brčko distrikta Bosne i Hercegovine, ustavne i statutarne prirode, s vremena na vrijeme budu izložene uticaju različitih izazova, koji ponekad predstavljaju opterećenje za normalno funkcionisanje, a također i značajno utiču na percepciju stanja društva, od važnosti za efikasno i produktivno funkcionisanje društvene zajednice kao što je Brčko distrikta Bosne i Hercegovine.

U skladu s ustavnim i statutarnim odredbama, principi demokratije, pravne države, prava i sloboda, odgovornosti i dobre uprave među vodećim su principima upravljanja Brčko distriktem Bosne i Hercegovine. Brčko distrikt Bosne i Hercegovine uspostavljen je da spaja multietničnost i konstitutivnost, da ispoljava povjerenje, razumijevanje, otvorenost i sigurnost. Zaštita dostignutih vrijednosti obaveza je svih, kako Distrikta,

tako i entiteta i Bosne i Hercegovine.

Upravo u tom smislu, opredijeljeni za prosperitet Brčko distrikta Bosne i Hercegovine i građana na ovom području pozivamo sve relevantne aktere na potrebnu osjetljivost u komunikaciji u javnom prostoru u vezi s temama koje značajno mogu izazvati uzinemireње, stvoriti osjećaj straha i inicirati manifestacije koje narušavaju dostignute najviše društvene vrijednosti ove zajednice.

Najodgovorniji nosioci vlasti i nadležna tijela Brčko distrikta Bosne i Hercegovine preuzimaju sve potrebne mjere i radnje, samostalno i u saradnji s drugim relevantnim subjektima u Bosni i Hercegovini i šire, na održavanju takvog ambijenta na ovom području, koji će u cijelokupnosti odnosa u BiH, regiji i svijetu omogućiti ostvarivanje najviših standarda ljudskih prava i sloboda, kao i uspješan razvoj ove društvene zajednice. Stanovnici Brčko distrikta Bosne i Hercegovine žele da žive i rade u miru, uvažavajući druge i drugačije u ambijentu u kojem su ostvarena sva socijalna i druga egzistencijalna prava.

Konsenzus o važnim pitanjima, izazovima i problemima će uvijek biti pronađen na dobrobit svih konstitutivnih naroda u Distriktu i svih građana Brčko distrikta BiH.

# У Дистрикту се успешно реализују пројекти из области путне инфраструктуре и водоснабдијевања

Градоначелник Брчко дистрикта Босне и Херцеговине прим. др Зајад Нишић, шеф Одјељења за стручне и административне послове Сенад Туфекчић, шеф Одјељења за просторно планирање и имовинскоправне односе Сувад Машић, шеф Одјељења за комуналне послове Мајазудин Вехабовић и шеф Одјељења за јавне послове Ратко Стјепановић обишли су радове на реконструкцији пута на Буквичком брду.

Градоначелник Нишић подсјетио је да је реконструкција путне инфраструктуре један од приоритета Владе Брчко дистрикта БиХ.

„У кратком периоду санирано је неколико значајних путних правца чиме овај вид транспорта постаје бржи, ефикаснији и безбједнији. Осим боље „унутрашње“ транспортне комуникације, простор Брчко дистрикта БиХ постаје отворенији и атрактивнији за инвеститоре из окружења, као и туристима“, истакао је градоначелник Нишић.

Шеф Одјељења за јавне послове Ратко Стјепановић казао је да је рок за завршетак ове дионице 90 дана, али да се очекује да ће радови бити завршени у року од 45 дана.

Поред обиласка радова на реконструкцији пута на Буквичком брду, градоначелник Нишић је са члановима Владе Брчко

дистрикта БиХ обишао и радове на изградњи локалног пута Рашљани–Сребреник.

„Посебно радује путна комуникација која повезује јужни дио Дистрикта кроз насеље Рашљани са Сребреником, која ће бити значајна претпоставка за интензивни развој привреде и пољопривреде овог краја“, казао је Нишић.

„Ово је инвестиција вриједна 760.000,00 КМ. Налазимо се у фази извођења радова на изградњи моста. Рашљани би на овај начин били мјесто кроз које се пролази, а не где се пут завршава“, истакао је шеф Одјељења за јавне послове Ратко Стјепановић.

Обиђени су и радови на водоснабдијевању у насељу Грбавица. Шеф Одјељења за комуналне послове Мајазудин Вехабовић казао је да је процес водоснабдијевања Грбавице у завршној фази, те да би се овим пројектом осигурале и потребне количине воде за Центар за управљање отпадом Кладје.

„Рјешавамо и велики дио проблема водоснабдијевања у Доњем Рахићу. Цијена радова за овај пројекат је око 470.000,00 КМ, а рок извођења је 100 радних дана. Мислим да ће овај посао бити завршен прије предвиђеног рока“, истакао је Вехабовић.





## Vlada Distrikta odobrila 1.000.000,00 KM za potrebe suzbijanja afričke svinjske kuge

Vlada Brčko distrikta Bosne i Hercegovine je na 14. redovitoj sjednici, na prijedlog Direkcije za financije Brčko distrikta Bosne i Hercegovine, usvojila Odluku o korištenju sredstava rezerve Proračuna Brčko distrikta BiH za 2023. godinu.

Ovom Odlukom odobrava se 1.000.000,00 KM iz sredstava rezerve Proračuna Brčko distrikta BiH za potrebe suzbijanja i sprječavanja pojave i širenja bolesti afričke svinjske kuge.

Na prijedlog Direkcije za financije Brčko distrikta BiH

odobreno je i Izvješće o izvršenju Proračuna Brčko distrikta BiH za razdoblje od 1. 1. do 30. 6. 2023. godine.

Vlada Distrikta je na prijedlog Odjela za zdravstvo i ostale usluge usvojila i Odluku o odobravanju Programa utroška sredstava za dodjelu jednokratne novčane pomoći za nabavu udžbenika djeci poginulog branitelja i ratnog vojnog invalida u 2023. godini u visini od 60.000,00 KM.

## Kolegij Vlade osudio napad na novinara Mirzu Derviševića

Razmatrajući Informaciju šefa Policije Brčko distrikta BiH o napadu na novinara Mirzu Derviševiću koji se desio 19. 8. 2023. godine, Kolegij Vlade Brčko distrikta BiH oštro je osudio taj bezumni čin i iskazao ozbiljnu zabrinutost zbog ovog gnusnog napada. Kolegij smatra da je svaki vid nasilja i ugrožavanja novinarske profesije direktni udarac na demokratske procese, istovremeno dajući punu podršku Policiji i

Tužilaštvu Brčko distrikta BiH na rasvjetljavanju i procesuiranju odgovornih za napad. Kolegij brčanske Vlade također je podržao novinare u obavljanju ove vrlo značajne profesije koja ima nemjerljiv značaj i obavezu promovisanja demokratskih principa u svakom društvu, pa tako i u Brčko distriktu BiH.



## Potpisan ugovor o nabavci dva digitalna RTG aparata

Ugovor o nabavci dva digitalna RTG aparata vrijednosti 520.000 konvertibilnih maraka za potrebe Javne zdravstvene ustanove „Zdravstveni centar Brčko“ u brčanskoj Vijećnici potpisali su Asmir Mujanović, šef Odjeljenja za zdravstvo i ostale usluge u Vladi Brčko distrikta BiH, i Ljubomir Perić, direktor firme „MEDICOM“ d. o. o. iz Bijeljine.

„Nabavkom ovih aparata značajno ćemo unaprijediti pružanje usluga našim pacijentima. Radi se o savremenim uređajima, jedan je plafonski, a drugi patosni. Očekujemo da će oba biti instalirana u roku od

90 dana koliko je ugovorni rok za njihovu isporuku“, rekao je šef Mujanović nakon potpisivanja Ugovora. Zahvaljujući se na pozivu na potpisivanje Ugovora, Ljubomir Perić, direktor „MEDICOM“ iz Bijeljine, rekao je da će isporuka dva „FILIPSOVA“ aparata biti u zakonskom roku.

„Nakon instalacije oba aparata, obavit ćemo i edukaciju osoblja. Radi se o savremenim aparatima s reduciranim zračenjem u skladu s propisima nadležne Agencije u BiH“, rekao je Perić.

## Усвојена Одлука о усвајању Програма утрошка средстава с позиције текућих донација непрофитним организацијама

Влада Брчко дистрикта Босне и Херцеговине на 15. редовној сједници усвојила је Одлуку о усвајању Програма утрошка средстава с позиције текућих донација непрофитним организацијама за 2023. годину у Одјељењу за стручне и административне послове, по првом јавном позиву.

Укупна висина планираних средстава за овај програм износи 220.000,00 KM, док укупна висина додијељених средстава за овај програм износи 207.417,01 KM.

На приједлог Одјељења за јавну безbjednost,

Влада Брчко дистрикта БиХ је на данашњој сједници одобрила Смјернице за израду правилника о изменама и допунама Правилника о давању овлашћења физичким лицима за пројектовање, грађење, надзор над грађењем и ревизију пројектне документације. Влада Дистрикта је на приједлог истог одјељења усвојила и Одлуку о давању сагласности за продужење стратегије Босне и Херцеговине за спречавање ширења оружја за масовно уништење.

# Potpisan ugovor o nabavci pokretnog mamografa

Šef Odjeljenja za zdravstvo i ostale usluge Asmir Mujanović i punomoćnik direktora preduzeća „MEDICAL“ d. o. o. Mostar Sinan Merzić danas su u Vijećnici potpisali ugovor o nabavci pokretnog mamografa za potrebe Pododjeljenja za javno zdravstvo u vrijednosti od 600.000,00 KM.

Šef Odjeljenja za zdravstvo i ostale usluge Asmir Mujanović kazao je da je rok isporuke pokretnog mamografa pet mjeseci.

„Pododjeljenje za javno zdravstvo pojačava svoje kapacitete u okviru prevencije bolesti, što će doprinijeti kvalitetnijem radu javnog zdravstva u Brčko distriktu Bosne i Hercegovine. U proteklom periodu imali smo dobru saradnju s Udruženjem „Brčansko srce“ koje je

proteklih godina pratilo način rada, na način da su van Brčko distrikta BiH dobijali na korištenje pokretni mamograf. Potpisivanjem ugovora ova aktivnost bit će olakšana“, istakao je Mujanović.

Predstavnik preduzeća „MEDICAL“ iz Mostara Sinan Merzić kazao je da se radi o sofisticiranom i naprednom mamografskom sistemu, koji uz niske doze zračenja omogućava pregled velikog broja pacijenata te dodao da očekuje isporuku mamografa do kraja godine.

Šefica Pododjeljenja za javno zdravstvo Andža Nikolić istakla je da je nabavka pokretnog mamografa od izuzetnog značaja te da je planiran obilazak svih mjesnih zajednica u kratkom periodu.

[www.bdcentral.net](http://www.bdcentral.net)



# Vlada Distrikta usvojila Odluku o visini novčane pomoći zaposlenicima uslijed rasta potrošačkih cijena

Vlada Brčko distrikta Bosne i Hercegovine na 17. redovnoj sjednici, na prijedlog Direkcije za finansije Brčko distrikta Bosne i Hercegovine, usvojila je Odluku o visini novčane pomoći zaposlenicima uslijed rasta potrošačkih cijena u Brčko distriktu BiH za 2023. godinu.

Visina novčane pomoći uvećana je za 1.000,00 KM u odnosu na prošlu godinu te ove godine iznosi do 2.400,00 KM. Visina novčane pomoći ne podlježe oporezivanju i ne smatra se dohotkom od nesamostalne djelatnosti. Novčanu pomoć poslodavac može isplatiti isključivo do 31. 12. 2023. godine.

Poslodavci su u slučaju isplate novčane pomoći dužni da Poreznoj upravi dostave obavještenje o visini isplaćene novčane pomoći do 10. januara 2024. godine u skladu s Pravilnikom o primjeni Zakona poreza na dohodak koje treba da sadrži: naziv i JIB poslodavca, iznos isplaćene novčane pomoći zaposleniku, ukupan broj zaposlenika kojima je isplaćena novčana pomoć te ukupan iznos

isplaćene pomoći.

Na prijedlog Odjeljenja za evropske integracije i međunarodnu saradnju, usvojena je Odluka o odobravanju Programa utroška sredstava za sufinansiranje USAID projekta „Diaspora invest“ u iznosu od 70.000,00 KM.

Na prijedlog Policije Brčko distrikta BiH Vlada Distrikta odobrila je i Smjernice za izradu nacrta zakona o izmjenama i dopunama Zakona o Policiji Brčko distrikta BiH, kao i Smjernice za izradu nacrta zakona o izmjenama Zakona o policijskim službenicima Brčko distrikta BiH.

Vlada Distrikta je na prijedlog Odjeljenja za poljoprivredu, šumarstvo i vodoprivredu odobrila i Smjernice za izradu nacrta zakona o poljoprivrednom zemljишtu Brčko distrikta BiH.

Također, razmatrane su i informacije u vezi s primjenom Odluke o ograničavanju marže na pojedine životne namirnice i druge proizvode i Odluke o ograničavanju marže za naftne derivate.

## Vlada odobrila dodjelu donacija studentima generacije

U okviru 18. redovne sjednice, Vlada Brčko distrikta Bosne i Hercegovine je s ciljem nastavka dobre prakse dodjele novčanih nagrada studentima generacije s područja Brčko distrikta Bosne i Hercegovine, na prijedlog Odjeljenja za obrazovanje, odobrila dodjelu donacija pojedincima (studentima generacije) s područja Brčko distrikta Bosne i Hercegovine u ukupnom iznosu od 5.000,00 KM i Program utroška sredstava.

Na prijedlog Odjeljenja za prostorno planiranje i

imovinskopravne poslove, Vlada Brčko distrikta BiH odobrila je i prijedlog Regulacionog plana „Centar I“ u Brčko distriktu BiH.

Također, na prijedlog Odjeljenja za evropske integracije i međunarodnu saradnju usvojen je i Zaključak o prijedlogu mapiranja odgovora na govor mržnje u Bosni i Hercegovini, dostavljen od Ministarstva za ljudska prava i izbjeglice Bosne i Hercegovine.





BOSNA I HERCEGOVINA  
БОСНА И ХЕРЦЕГОВИНА  
BOSNIA AND HERZEGOVINA



# Potpisan Sporazum o rekonstrukciji mosta Brčko Gunja

Gradonačelnik Brčko distrikta Bosne i Hercegovine prim. dr. Zijad Nišić i koordinator Brčko distrikta Bosne i Hercegovine u Vijeću ministara BiH Miroslav Gavrić u Sarajevu prisustvovali su potpisivanju Sporazuma između Vijeća ministara BiH i Vlade Republike Hrvatske o rekonstrukciji mosta Brčko Gunja. Sporazum su potpisali ministar komunikacija i prometa Bosne i Hercegovine Edin Forto i ministar mora, prometa i infrastrukture Republike Hrvatske Oleg Butković.

Gradonačelnik Nišić kazao je da je današnji sporazum rezultat višegodišnjih zahtjeva Vlade Brčko distrikta Bosne i Hercegovine da se rekonstrukcija mosta uradi putem finansiranja dvije države, Bosne i Hercegovine i Republike Hrvatske.

„Rekonstrukciju mosta podjednako će finansirati Bosna i Hercegovina i Republika Hrvatska. Cijena nije poznata, ali prema procjenama premašuje dva miliona eura. Ovo možemo smatrati velikim projektom, međutim, u najavi je još veći projekat koji predstavlja trajno rješenje komunikacije preko rijeke Save novi most”, istakao je gradonačelnik Nišić.

Ministar komunikacija i prometa Bosne i Hercegovine Edin Forto kazao je da bi radovi trebali početi do kraja sljedeće godine te da u narednom periodu slijedi faza projektovanja.

Ministar mora, prometa i infrastrukture Republike Hrvatske Oleg Butković istakao je da je most Brčko Gunja u veoma lošem stanju i da će Hrvatske ceste hitno krenuti u realizaciju projekta.

# Šef Odjeljenja za prostorno planiranje i imovinskopravne poslove o Regulacionom planu „Centar I“

Nakon što je Vlada Brčko distrikta Bosne i Hercegovine odobrila prijedlog Regulacionog plana „Centar I“ u Brčko distriktu Bosne i Hercegovine, šef Odjeljenja za prostorno planiranje i imovinskopravne poslove Suvad Mašić održao je press konferenciju istakavši da je Vlada Brčko distrikta BiH opredijeljena da popravi stanje u centru grada kako bi dobili savremeniji i urbaniji centar.

„Vlada Brčko distrikta BiH je opredijeljena da da jedan novi zamah u razvoju Brčko distrikta BiH u urbanom, privrednom i poduzetničkom smislu“, istakao je Mašić. Govoreći o obuhvatu regulacionog plana, stručni savjetnik za prostorno planiranje Ivana Blagojević kazala je da se radi o površini od 0,9 hektara te da je ovičen s četiri ulice: Ulica Bosne Srebrenе, Ulica Ive

Andrića, Bulevar mira i Ulica Laze Kostića.

Šef Odjeljenja za prostorno planiranje i imovinskopravne poslove Suvad Mašić naveo je da je regulacionim planom predviđen i mali park, što će doprinijeti ljepšem ambijentu.

Mašić je dodao i da su završena tri regulaciona plana koja će uskoro biti dostavljena, i to: Regulacioni plan dijela stambenog naselja „Š“, Regulacioni plan dijela stambenog naselja „Klanac“ te Regulacioni plan dijela stambenog naselja „Kolobara II“.

„Uskoro bi trebao biti završen i Regulacioni plan stambenog naselja 'Srpska Varoš' te urbanistički projekat ambijentalna cjelina 'Srpska Varoš'“, istakao je Mašić.



# Održan Okrugli sto povodom Međunarodnog dana demokratije u Tehničkoj školi

Gradonačelnik Brčko distrikta Bosne i Hercegovine prim. dr. Zijad Nišić posjetio je prostorije JU „Tehnička škola Brčko distrikt BiH“ gdje je u okviru obilježavanja Međunarodnog dana demokratije učestvovao na Okruglom stolu pod sloganom „Neka svako da svoj doprinos zajedničkom dobru“. Gradonačelnik Nišić pozdravio je aktivnost učenika ove škole te istakao važnost demokratije u našoj zajednici.

„Demokratija je oblik vladavine u kojem se političke odluke donose voljom većine, najčešće kroz izbore ili referendume. U Bosni i Hercegovini postoje demokratske institucije formirane u skladu sa zakonom, međutim, ne postoji idealno demokratsko društvo. Kao i mnoge druge zemlje i naša zemlja se suočava s različitim oblicima narušavanja ljudskih prava. Mi kao društvo moramo zajedno afirmisati

demokratske vrijednosti kako bi naša lokalna zajednica išla naprijed. Vlada Brčko distrikta Bosne i Hercegovine nastavit će promicati demokratske vrijednosti, truditi se omogućiti jednak prava svim građanima te nastaviti pružati podršku mladima kako bi ostvarili pozitivne promjene u Brčko distriktu BiH. Principi demokratije, prava i sloboda, pravne države, odgovornosti i dobre uprave među vodećim su principima upravljanja Brčko distriktem BiH“, istakao je gradonačelnik Nišić.

„Tehnička škola na svakom takmičenju iz demokratije osvaja prva ili druga mjesta. Imajući to u vidu, već peti put obilježavamo Međunarodni dan demokratije. Danas imamo mogućnost da učenici postavljaju pitanja gradonačelniku, da se upoznaju kako izgleda sistem vlasti te da iznesu svoje ideje i primjedbe“, kazao je direktor Tehničke škole Dejan Nikolić.



# Gradonačelnik Nišić na 19. Europe Summit u Salzburgu

U Salzburgu se od 24. 9. do 26. 9. 2023. godine tradicionalno održava 19. Europe Summit fokusiran na prevazilaženje evropskih izazova na pozitivan način, pod motom „Evropa: Kretanje ka novim horizontima”.

Brojni stručnjaci, odgovorni političari, naučnici, industrijalisti, poduzetnici, privredna udruženja, predstavnici finansijskih institucija i druge ugledne ličnosti vezane za planirane teme uzeli su učešće na različitim forumima za dijalog. Kroz ostvarene kontakte, bilateralne sastanke, zaključke sa gore spomenutih foruma daju svoj doprinos konkretnom ostvarenju ideje ujedinjene Evrope.

Na prvoj Panel diskusiji na temu: „Zapadni Balkan kao region budućnosti” koji je održan u nedjelju, 24. 9. 2023. godine u plenarnoj sali Kongresnog centra u Salzburgu, u svojstvu paneliste učešće je uzeo gradonačelnik Brčko distrikta Bosne i Hercegovine prim. dr. Zijad

N i š i c . Globalna politička situacija je pokazala i skeptičnim članicama Evropske unije da je Zapadni Balkan neophodan za Evropu kako u geopolitičkom tako i u ekonomskom smislu te da ga ne treba prepustiti neevropskim silama.

Konstatovano je da postoje mnoge mogućnosti za kompanije u državama Evropske unije da investiraju na Zapadnom Balkanu, posebno u oblasti vode, energije, infrastrukture i transportnih struktura. Veliki interes kompanija iz država članica za ova buduća tržišta u neposrednoj blizini očituje se u stalnom porastu broja direktnih investicija. Preduslov tome jeste proevropska, stabilna i funkcionalna administracija koja transparentnim i odgovornim radom može odgovoriti potrebama evropskih kompanija koje se odvaže za *nearshoring model investiranja*.



Prof. dr. Franz Schausberger, domaćin, predsjednik Instituta regija Evrope i savjetnik komesara Hahna, dao je ovom značajnom panelu dodatni rejting jer je preuzeo ulogu moderatora ovog skupa. On je konstatovao da je Brčko distrikt BiH prepoznat od strane Evropske unije upravo kao model za ostale zajednice i to ne samo u BiH, nego i u regionu.

Naveo je da Evropska unija pomaže u provedbi neophodnih, dalekosežnih političkih i ekonomskih reformi kroz različite programe finansiranja. Evropska unija podržava zemlje zapadnog Balkana u izgradnji moderne, klimatski neutralne i resursno efikasne ekonomije. Na ovom panelu predstavnici različitih zemalja zapadnog Balkana će razgovarati o mogućnostima da Zapadni Balkan postane važan ekonomski region budućnosti.

Gradonačelnik Nišić zahvalio se predsjedniku Instituta regija Evrope prof. dr. Franzu Schausbergeru na visokoj ocjeni stanja u Distriktu te je naglasio da je to rezultat dugogodišnjeg odgovornog rada svih političkih subjekata koji uživaju ogromnu podršku međunarodne zajednice predvođene OHR-om, Delegacijom Evropske unije i američke administracije.

Pozvao je prisutne predstavnike privrede i donosioce odluka ostalih institucija vezano za razvojne fondove da posjete Brčko distrikt BiH i uvjere se da u institucijama Distrikta imaju ozbiljnog partnera kako za realizaciju investicija, većih infrastrukturnih projekata tako i pilot projekata reformskog karaktera.

Svoje zapaženo izlaganje zaključio je riječima jednog od vodećih kreatora ideje ujedinjene Evrope Konrada Adenauera, kako je naglasio i s vlastitim poimanjem Evrope, čiju je izvornu ideju shvatio i primio kao svoju vodilju i za svakodnevno političko djelovanje, a koja se itekako može primijeniti i na regionalnom pa čak i na lokalnom nivou, jer ne zaboravimo, supsidijarnost nije samo riječ.

*„Naš cilj je da Evropa postane velika, zajednička kuća za Evropljane, kuća slobode.“*

U nastavku radnog dijela Samita uslijedili su brojni bilateralni susreti koji će se nastaviti do kraja radnog dijela ovog vodećeg evropskog samita.

Samitu je prisustvovao i šef Odjeljenja za evropske integracije i međunarodnu saradnju Vlade Brčko distrikta BiH Miroslav Geljić.



# Brčko distrikt BiH na Sarajevskoj energetskoj i klimatskoj sedmici

U Sarajevu je završena Sarajevska energetska i klimatska sedmica SECW koja je trajala od 25. do 29. septembra 2023. godine na kojoj su učešće uzeli i predstavnici Brčko distrikta Bosne i Hercegovine. Pored učešća na panelima i sesijama, gradonačelnik Brčko distrikta BiH prim. dr. Zijad Nišić sa saradnicima je prisustvovao i svečanoj večeri i organizaciji Ambasade Češke Republike u BiH. Također, koordinator Brčko distrikta BiH pri Vijeću ministara BiH Miroslav Gavrić bio je gost na svečanoj večeri koju je povodom otvaranja konferencije organizovala gradonačelnica Benjamina Karić u Sarajevskoj vijećnici. Gradonačelnik dr. Zijad Nišić bio je i gost na prijemu koji je povodom konferencije organizovala Ambasada Velike Britanije.

Konferencija je okupila veliki broj učesnika uključujući predstavnike svih nivoa vlasti, ministre

u oblasti energije, klime i okoline, prostornog uređenja, saobraćaja, predstavnike institucija Evropske unije, Energetske zajednice, Svjetskog energetskog vijeća, akademske zajednice, privrednike te ostale zainteresovane učesnike.

Na konferenciji je tokom svih pet dana bio postavljen promo štand Brčko distrikta BiH na kojem predstavnici Odjeljenja za prostorno planiranje i imovinskopravne poslove, Odjeljenja za komunalne poslove, Odjeljenja za privredni razvoj, sport i kulturu i Odjeljenja za evropske integracije i međunarodnu saradnju u Vladi Brčko distrikta BiH, kao i predstavnici Jedinice za implementaciju projekata iz međunarodnih fondova pri Razvojno-garantnom fondu Brčko distrikta BiH i JP „Luka Brčko“ prezentuju potencijale Brčko distrikta BiH s ciljem razmjene iskustava i povezivanja s potencijalnim





# Odobren Program utroška sredstava donacija neprofitnim organizacijama iz području športa i kulture

U okviru 14. izvanredne sjednice Vlade Brčko distrikta Bosne i Hercegovine odobren je Program utroška sredstava donacija neprofitnim organizacijama iz područja sporta i kulture Odjela za gospodarski razvitak, sport i kulturu za 2023. godinu u ukupnom iznosu od 541.503,00 KM.

Osigurana sredstva raspoređuju se na sljedeći način:

- Za programe i projekte od javnog interesa u području amaterski sport dodjeljuje se: 411.503,00 KM od ukupnog iznosa;
- Za programe i projekte od javnog interesa u

području školski sport dodjeljuje se: 15.000,00 KM od ukupnog iznosa;

c) Za programe i projekte od javnog interesa u području rekreativni sport dodjeljuje se: 15.000,00 KM od ukupnog iznosa;

d) Za programe i projekte od javnog interesa u području kulture dodjeljuje se: 100.000,00KM od ukupnog iznosa.

Svrha ovog Programa je razvijanje oblasti amaterskog sporta i kulture na području Brčko distrikta BiH.



# INFO

Kancelarija gradonačelnika, Sekretarijat Vlade Brčko distrikta BiH,  
Sektor za informisanje Vlade Brčko distrikta BiH  
Bulevar mira 1, 76100 Brčko distrikt BiH

[vlada.bdcentral.net](http://vlada.bdcentral.net)